

玄覽堂叢書續集

第八冊

古學堂藏書總目

懷陵流寇始終錄卷九

吳江戴笠耘野

崑山吳及修齡

九年丙子春正月丁未朔總理盧象昇大集牟文綬祖寬諸將
薊遼關鎮之兵於鳳陽泗州

庚戌應天巡撫張國維遣標將陳于王救江浦殺賊三百賊犯

六合永生洲參將程龍以兵截之賊聞銃聲不敢進

討論曰
余猶憶

昔時永生洲參將被調不肯行張公繼責四
十則必非程龍也龍宜別是一官記者誤耳

賊捨和州攻江浦南樞臣范景文所遣標將汪之斌以兵七百
在城中神機參將徐元亨以兵從葛城來屯城外山上賊數
十騎至之斌以四百騎出戰斬賊十級退去又數十騎至之

斌射紅衣賊墮馬復退追至板橋入賊伏受圍數重裨將姚
九疇馳就元亨請救發砲手四百人李得春將之與九疇同
往殺賊甚多九疇射殺賊將戰甚銳風迅火藥自焚陣動為
賊所乘九疇力戰被獲不屈與李得春皆死之元亨素有病
疾馬蹶遇害之斌力戰突圍得出賊復攻滁州討論曰將若
來恃勇好戰

若在城中必無生守之理以
亦若來在六合之一證也

泌陽生員樊以屏集鄉兵禦賊

豫撫陳必謙奏河北輝林脩和等縣與山西接界土寇出沒
夏游擊井底一戰賊皆星散

辛亥閏塌天犯全椒知縣方應昌令士民以金幣賄賊遂過城
不攻

關王關塌天搖天動等七家寨數十萬聯營百餘里疾攻滁州
知州劉大輦行太僕寺卿李覺斯率士民固守賊穴地填濠
百道環攻城上火球火砲殺賊甚衆佯退夜復急攻穿溝洫
濠水冒進城上發火砲擊之賊殺婦女倒埋露其陰向城
上火砲自裂或不鳴取廁踰懸堞以屋之火砲乃發賊大創
憤攻益急總理盧象昇遣總兵祖寬以關遼勁兵為前鋒自
以兵分道進時賊之守營者散掠村落精銳攻城隳羊馬牆
破在頃刻不虞救兵忽來一甲寅黎明祖寬躍馬擊賊背賊
失措接戰諸將齊進戰于城東之五里橋時擊羅岱斬賊渠
搖天動首跨其駿馬大呼突陣官兵見之踊躍賊沮喪副將
李明輔戰尤力賊連營俱潰諸軍喧噪逐賊塵埃漲天賊狂

奔象昇自定遠以楊世恩等繼至象昇授袍大呼追五十里

至朱龍橋所獲無計殺闖王精騎二千

討論曰有謂朱大典楊世恩來者誤也世

恩楚將不關朱事而沒九台戰功矣

其東奔者遇朱大典所遣劉良佐兵扼之

於廣武城乃走池河池河守禦劉光輝把總陳正華陳三善

以五百人設守高都志有把總白在春死乙卯賊至者

數萬孤軍格鬪賊環攻之者百重三將力盡赴水死一軍皆

沒賊以官兵衣幟渡河沿河者不覺得脫去江浦提督杜弘

域追之不及光輝在任築城掘濠募鄉兵千餘為戰守計撫

臣調其兵護陵遂致敗死南樞范景文為文祭之

滁州潰賊大隊西向鳳陽直犯陵園漕撫朱大典太監王裕

民總兵楊御蕃發銃擊之乃去攻壽州邑紳方震孺設守不

得破趙鹿邑陳必謙遣祖大樂陳永福禦之

丙辰左良玉與闖賊相持於閭鄉三日陳永福援之斬賊百級

又有賊自桐柏唐縣逼隨州

討論曰有紀闖賊以甲寅攻國始者非也

丁巳河南賊自桐柏泌陽屯于棗陽之胡陂黑山土賊廖三袁

世儒李玉石以牛酒迎之張樂高會遂入賊營掠紅花店破

張家土城分屯張家店柿林河

陝西賊陷麟遊執知縣吳鳴世官兵至退入山

己未賊掠潁上

鄭陽零賊屯落湖坡松林寺吳家集副將馮時早擊之奔隨州

棗陽山中

紫薇星攻懷遠朱大典倪寵在鳳陽癸亥遣劉良佐苗有才援

之而是日賊已破城殺知縣及人民六百聞兵至出城良佐擊之戰于蒙城之陳搏橋殺傷相當賊奔霍丘潁州

甲子滁州敗賊八大王掃地王等至永城屯于城外又有賊入亳州境屯龍湖山知州葉景先以鄉兵千餘人分守要害禦之

乙丑紫微星攻靈璧劉良佐援却之紫賊又圍虹縣逼泗州朱大典留倪寵守鳳陽自以總兵楊御蕃擊賊

永城賊分掠夏邑虞城碭山太康營于歸德之蔡家道口去城二十里陳永福嚴守初兵部發遼將祖大樂以還兵赴河南討賊因便道丙寅選輕騎夜行至永城北村集賊掠歸德還營方解甲騰胃弛弓矢歡飲還兵奮擊之賊波逆不成戰斬

混天王小秦王擒渠魁六奪還所掠婦女百口騾馬千計逃
賊復聚屯虞城碭山而祖寬是日亦破賊於河南

商南賊一日夜馳三百里至內鄉與東來賊白虎頭神合營架
雲梯攻城分兵上漳口至竹林

鄭襄賊焚穀城士民空城走

關王合羣賊渡淮北行淮徐兵備徐探邀之宿州賊震土填河
欲東行扼于官兵不敢進戊辰自濟口破蕭縣

邊將祖大樂心羨祖寬滁州之功常懷悒悒竇吳二部將偏師
挫賊于白龍廟大樂怒其貪小詬逐之二將恚捨去走數十
里逢監軍道王繼謨自翹繼謨顧從者林其馬徐慰之曰賊
旦夕且至主將密用君為伏兵也何謂逐耶二將信之謝去

賊以亳州守嚴至城下不改竟趨歸德欲懈守者反乘其虛
知州葉景先覺賊詐告大樂以賊情地勢一字王曹操掃地
王五營將由歸德趨開封辛未大樂至歸德城北之石家樓
設伏羸師誘之遇於雪園接戰佯退賊爭利來逐至穀熟集
伏兵突出賊駭亂狂奔竇吳二將以其屬驚頭所之賊愈駭
散走曰何處來此鍍帽子羊耶斬級一千四百器物騾馮萬
頭夜潰賊復集攻亳州景先與守備查應才擊之又斬二百
擒三十人事聞進大樂援勦總兵

山西兵破賊於柳榆寨斬四百級

壬申卽襄賊无光化之伍家集城中人夜緇出舉火大譟賊驚
移營去曉攻城不克

均州賊自內鄉過板橋走新川

鄭襄賊自保康之月兒灣渡河分兵一往均州一往新川

河南賊焚閼鄉從南原至潼關不得入

關王等連營向徐州官兵設伏於雞村山敗賊前軍賊又合掃

地王攻徐州不克犯碭山城守嚴不能破轉犯虞城一癸酉

走開封遇左良玉兵相持六日陳永福自歸德馳百四十里

至朱仙鎮出賊不意報良王夾擊之死者千計逐一銀甲賊

于岳王廟中殺之

討論曰謂遇良王兵于閼鄉者誤也

兵部奏報歸德之戰曹操及南營八大王并掃地王搖天動

之餘黨殲勒過半是以亳州永城鹿邑等處各賊竄奔所在

鄉兵報擒獲者累累關王精銳在汝州時約四五萬人滁州

敗後率其餘孽繇碭山虞城以遁僅存二萬餘豫將陳永福
又截擊于朱仙鎮兵科常自裕疏云合秦賊在宜君者不過
李自成當責秦撫豫賊在靈寶閭鄉盧氏永寧者止馬守應
數營當責豫撫此當時大勢也

有賊自舒城至廬江邑人以金幣求免許之去二十里乘夜還
襲破城殺典史

甲戌雷火焚荊陵樹 河南賊至商雒

乙亥群賊集於野雞岡遂屯蘭陽盧象昇在鳳陽遣副將祖大
樂自鹿邑赴開封防賊象昇劾罷總兵朱三樂降秦翼明三
級

河南巡撫陳必謙劾奏徐來朝革職尤世威提問來朝領天津

兵見賊即奔世威怯懦營多勁卒而不能用故罷之以二將
兵屬劉肇基羅汝

時參昇有疏云賊橫而後調兵賊多而後增兵無人不落後局
兵至而後議餉兵集而後請餉時時寓有危形況請未必數
致卒從賊而將為寇是八年來絡繹而請之兵反樹賊黨積
累而用之餉適資盜糧也督理宜有專兵有專餉請調咸寧
甘固之兵屬督薊遼關寧之兵屬理山林奔竄騎兵不善板
緣再調川寧滇黔兵便習險阻者一二萬佐騎兵所不又每
月需餉銀各一十三萬而聽承疇辭三邊臣辭全楚所在撫
臣不得以一方有賊輒求調援分督理之兵餉各省直撫臣
俱有封疆重任一處有賊一處求援一處需兵一處求調不

應便成吳越分應何以支持夫粉飾太平尚可調停遷就用

兵勦賊豈容委曲那移又諫臺諫毋從中苛求俾臣不得專

心辦賊彼不問事之難易不顧人之先生一味求全責備在

識力不堅者必至因人言以自餒不肯向前即清白自矢者

亦且畏謠詠而灰心從何展布又云中外勿惜浩費討論曰中者懷

陵也只此一字萬有司母憚苦難諸省直母吝餉金諸紳

士勿事橫議討論曰洪公時受廷臣苛求而無一言自明

致真定戰死哉凡廷臣等大家齊心合心討論曰有是理乎

求決公諸此書俱不改大家齊心合心懷陵惜錢逞智內

賊悔禍乞降再議散道安插然後輕徭薄賦即无弔生保固

元氣此則勦蕩之大局也事在今日臣与承疇有勦無增有

戰無奇

是月洪承疇在臨潼渭南華州間屢破老回回闖塌天蝎子塊等俱從峪口逃遁乃專力勦關將遂有海喇都乾鹽池等追戰

起左通政王夢尹為湖廣巡撫以象昇請辭焚撫也

二月丙子朔

丁丑賊陷潛山知縣已遁

賊攻密縣不利走登封

戊寅賊攻蕭縣登高樓射守者皆走賊入聞官兵至引去

老回回犯盧氏永寧陝州靈寶

己卯總兵牟文綬劉良佐遣把總田奎莊信以兵五千與賊戰

于龍泉二將戰歿奪師二千

賊至大湖姦民餽賊羊酒乘間渡濠陷城知縣被執不屈自殺
賊大殺掠

時靈寶陝州永寧盧氏之賊東去秦賊從雒南來據之此四縣
地北近秦山南通南陽汝州賊每於此避兵合黨

盧象昇在陳州恐賊南下檄淮撫阮穎州亳州蒙城宿州霍山
壽州楚撫阮隨州應山鄖撫阮光党子口南陽檄關寧兵從
鄧州嵩雒夾擊

援勒副總兵祖大樂擊破闖王等於汝州之楊家樓又孫家口
斬三百餘級賊奔華清山大樂追之走顯山寺

庚辰大湖賊犯宿松署縣官先遁吏民出迎殺村人千餘賊突

曹單鄒勝

壬午祖寬王進忠周維壩擊闖王壽於汝州斬四百四十級

癸未進忠維壩趨登封之郛城鎮掩賊前祖寬陳永福追躡之

斬三百餘級獲馬騾五百賊走石陽關合伊嵩賊

討論曰有別紀陳必

諫夾擊者即此事之說也

前總兵湯九州擊^嵩縣賊深入無援敗績陳必謙奏云革職總兵

湯九州請自効臣以連穗孔道興隸之令其伏於魯山待賊

走而乘之約左良玉赴嵩縣夾勦九州斬賊二百三十級良

玉中道返兵九州恃勇乘勝窮追四十里誤入深崖無援一

軍陷沒又云趙柱擁衆三千坐食靈寶半月任賊出入朱三

才駐兵雒陽報一字王寇雒而一字王前已殺於祖軍陳治